

BIKEMARATON LUMNEZIA

Carla Solèr ed Andrin Beeli al tgamun

Ils indigens han dominau il Bikemaron Lumnezia dalla dumengia vargada che parta e finescha a Lumbrein. Tiels umens ha *Andrin Beeli* da Sagogn nudau il meglier temps

avon *Ursin Spescha* da Sevgein ed *Andrin Züger* da Favugn. *Carla Solèr* da Lumbrein ha procurau per il meglier temps tier las dunnas ed ha dumignau il maraton avon *Vera*



Il gidonter Gion Flurin Capeder ha demussau dabia engaschi alla cuorsa dil Bikemaron Lumnezia ed ei tscheu e leu segi daus cun in stausch.

Schmid da Teufen ed *Eliane Müggler* da Thal. Andrin Beeli ha gia procurau igl onn vargau per il meglier temps dil Bikemaron Lumnezia en in temps semeglient, denton sin in auter tschancun. Sco quei ch'il schef dil comite d'organisaziun *Tino Solèr* gi, seigien ins sedecidius suenter 30 onns da far certas midadas vid il tschancun. «Las reacziuns neu dils participonts ein ordvart positivas.» Bein seigi il tschancun en certs loghens pli teiss ed exponius, di Tino Solèr. «Il maraton meina denton per part tras ils vitgs e cheutras ha ei dapli aspectatur che persequiteschan la cuorsa.» Desistiu da far il viadi entochen dalla vart da Sursaisa cun il maraton da bike han ils organisaturs buca perquei ch'els fissan forsa buca stai cuntents cun quella part dalla cuorsa. Passa 230 velocipedistas e velocipedists ein separticipai al Bikemaron dalla dumengia vargada ed alla cuorsa d'affons. Quei

ein per la letga pli paucs ch'igl onn vargau, intimescha denton il comite d'organisaziun da cuntinuar cul maraton. Satisfatgs ed engrazieivels ei Tinò Solèr era als numerus gidonters che s'engaschan a favur digl event sportiv en Lumnezia.

Divers indigens alla partenza

Il Bikemaron Lumnezia ei era ina cuorsa per ils amaturs indigens dil velo da muntogna. Tier las dunnas sesanfla *Barbara Camenisch* da Flond sil sisavel rang, ferton che *Manuela Schweizer* da Sursaisa ha nudau igl 11avel meglier temps ed ella categoria U17 ei *Selina Schweizer* stada persula alla partenza. Ella categoria dils licenziai sesanfla *Janis Spescha* da Cuera sil quart rang. Ella categoria fuh masters ei Marco Petschen da Sagogn sil tierz rang per sulet numnar entgins dils rangai. L'entira glesta da rangaziun ei accessibla via bikemaron-lumnezia.ch.



Carla Solèr ha dumignau la cuorsa dallas dunnas avon Vera Schmid ed Eliane Müggler.



Sigl emprem rang cun meglier temps eio Andrin Beeli avon Ursin Spescha ed Andrin Züger. FOTOS DANIELA DERUNGS